

述古

迴龍述古老人



大中華同善社 2018 · 4

善與人同 萬善同歸

同善紀元廿六年一月 西元二〇一八年四月 同善紀元二年創刊每季發行 創辦人正竺
參研儒家思想深刻意涵 實證迴龍夫子性命工程 闡揚傳統八德內蘊精髓 體現古今聖賢中庸言行



位於新北市三芝區郭峻偉先生家裡的師尊堂，環山抱水，惠風和暢，
同善社道內歷來重要法會大多於此地舉行，極為殊勝。
今年正月初九日舉行齋天祈福與升層闡準，今正名為——玄和堂。

聞法述記 釋入世出世與八識之義 誠意正心之實功

新北市吉祥南竹巴噶舉佛學會成立



恭賀 大中華同善社「新北市吉祥南竹巴噶舉佛學會」成立

緣起

由於上師，從不丹來台須由佛學會申請，以及南傳竹巴噶舉藏傳佛法在台生根茁壯之目的，使大眾有修學佛法地方，淨化身心清淨自在，凝聚向心力，因而獲得直承夏仲阿旺朗傑，不丹第68代法王滇津登圖法脈，尊貴的上師當巴明究仁波切賜名，並以佛教大方廣佛華嚴經卷第十六「迦葉如來具大悲，諸吉祥中最無上，彼佛曾來入此殿，是故此處最吉祥。」而命名。佛學會會員須30人以上，在大家的努力積極邀請下，很快就達標並成立籌備會，正式成立新北市吉祥南竹巴噶舉佛學會。佛法需有師承，密法更是需要師師相承，同善社道場，近三十年在教授先生努力不懈下，幾經風雨紛擾仍然屹立不搖，俯瞰海內外，得以讓同善法脈雖如星光仍繼續薪傳，如今上蒼悲憫，普渡主觀世音菩薩撥轉，讓同善密法在尊貴的當巴上師法脈加持下，希冀薪傳星光，蓮生遍野，大道普傳，海內外同霑法益。

——首屆佛學會會長 張素月先生·總幹事 鄭德全先生 謹誌

南傳竹巴噶舉之祖派



德無常師主善為師 善無常主協於克一

《三三歸一》云：「必收自己之圓，乃可以收天下人之圓。」如何是收自己之圓？

賀師 賀靜安先生，號崇正居士，貴為道內兩儀之尊，在道內典籍《三三歸一》末篇中，點出初基之士必循發願、守戒、皈依、修持四大法要確切體悟，並詳細論述箇中道理，言談之間，盡顯無盡之悲願，亟盼後世學人各各身體力行，方能趁此三期了道，收己之圓，結伴還鄉，透澈玄真，同歸覺路。

如何方是以入世為出世？十地夫子 倪昌英先生直指「……若今人之對於世界，直混世耳，直蠹世耳，直賊世耳，安得謂之入世哉！入世尚談不到，矧乃出世之佛法乎？」，鏗鏘有力的語氣，彷彿面前親臨的告誡，倪師之文，一語中的，精闢剖析，有心之士，切莫滑口讀過。倪師又云：「……修道之士，成功與否，全靠行持，……」修行應於何處下功夫？如何令識神不擾，穩如磐石？倪師亦於文中一一細說要點，並提醒期勉，修行上切不可固執我見，凡事為我，即是不可，藏第七私我之識，以為進修之阻礙也。

慨自聖神之心法無傳，而心性之道理以晦，視天人為兩途，以聖凡為二，致使誠意正心之學，空載於書，千萬世視為具文，即間有一二欲紹其傳者，無從下手，視聖學如登天，末由入門；視心傳如步月，歲時愈遙，而斯道愈晦。何謙先生曰：「天然仁慈，從中而出，莫測機關，由內而生，於是即我已誠已正之心意，由此達彼，如竹之引泉，不疾不徐，涓涓自至……」何為先天之心？何為先天之性？又何為誠意正心之實功？何謙先生盡啟聖學心法，不辭

繁瑣，願人人盡紹儒家切身之學，調息存神，正心養性，操縱自如，舉止由天，卷之退藏於密者，放之自彌六合也，勸勉諸子之懇切情懷，躍然紙上，後世學人可不勉乎？

近日道務駿發，吾輩幸蒙教授先生之大願力，在諸般因緣俱足之下，道內正式成立了新北市吉祥南竹巴噶舉佛學會，以傳承自夏仲阿旺朗傑——不丹第六十八代法王，滇津登圖法脈為源起的當巴明究仁波切為根本上師，當巴明究上師不僅通達諸法，更具足圓滿德性，相信必能在法的修持上開啟不一樣的學習途程，也讓我們共同敬賀佛學會未來在會長張素月先生與總幹事鄭德全先生的帶領之下，必能讓同善學人在修法行法上更加地深入與寬廣！共同攜手展開另一篇同善新頁！

《尚書·咸有一德》云：「德無常師，以善為師；善無常主，協於克一。」共勉之。

至心頂禮迴龍夫子與演陽仙館眾師尊！

編輯部

眾等自無量曠劫以來，失迷東土，沈埋苦海，脫骨如山，不能出苦還原，良由未識來時舊路，輾轉輪迴，故無法解脫耳，夫人當生身受氣之初，父母先天五行之氣，凝聚於中宮，是為脫元一點，內蘊初息氤氳不散，隨母呼吸，旋轉真無一竅（竅廣一寸二分，應一年十二月節氣），聚氣成形，性命雙完，幻為我體，迨至瓜熟蒂落，呼吸頓起，先天元氣旋即潛藏，一點靈源遂落後天，天命為性，命隨之立，性為陽，命為陰，陰陽顛倒，性命兩分，故陽下而陰上，然陽內藏陰，陰中伏陽，一陰一陽，不離本來自性，散在身內，則五臟六腑，知餓知飽，散在身外，則皮毛孔竅，識痛識癢，一切有情，皆具佛性，終歸淨土，迷則萬劫不復，悟則目前是道，轉迷啟悟，尚在明師，所貴修持有恆，始終不懈，方能透澈玄真，同歸覺路。

嗟嗟！人身難得，中土難生，佛法難聞，道場難遇，茲何幸同生人道，得在中華，與聞佛法，是眾等與佛夙具因緣，趁此三期了道，結伴還鄉，實為無量福德，萬勿當前錯過，謹據所聞，分條陳述，眾等各敬聽之。

一曰發願，學道之人，願量要宏，願力須大。

昔地藏王菩薩，發七十二願，非到撤空地府，度盡鬼徒，超生世上，不成正果；

阿彌陀佛，發四十八願，將娑婆世界，化為蓮花國，俾一切眾生成佛，同歸西方極樂世界；

觀世音菩薩，發十二大願，度盡天下善男信女，方證菩提；

此外諸佛菩薩，莫不各具願心，宏茲普度。

足見無所願即無所成，願量不弘，成就不大，願如種子，種瓜得瓜，種豆得豆，此定理也。眾等須知各人皆有西方，亦有地府，善男信女，內外無殊，幸各早發願心，自度度人也可。

二曰守戒，戒條繁多，而以五戒為最要。

五戒者，一不殺，二不盜，三不淫，四不食肉飲酒，五不妄語。

殺有親殺、謀殺、贊殺、自殺四種，瞋心一動，便發殺機，殺物有罪，況乃殺人，殺害必結冤果，報復遂無已時，大為修道孽障。

盜有強盜、竊盜、大盜、小盜之分，凡非義而取人財物，皆謂之盜，一念貪心，即為盜萌，不可不慎。

淫有身淫、目淫、口淫、意淫之別，業成於身，而以意為主動，居室無節為之淫，淫人妻女謂之邪淫，常人但戒邪淫，修持之士，雖正色亦戒，夫婦雙修，可止淫念，此造端之功也。

肉食者必殺生，縱不聞見親殺，而以彼之生命，供我口腹，即與親殺無異，惡得無罪？酒能亂性耗氣，且醉後易犯殺淫，亦宜斷絕。

妄者真之對，妄念一萌，妄語隨之，未得謂得，未知謂知，是曰狂妄，至於應事接物，一切言不由衷，謾語欺人，尤為敗道之蠹，不容懺悔。

凡此五者，乃持戒之規律，實成道之基礎。幸各加意，庶由戒生定，由定生慧，可以登彼岸而證菩提也。

三曰皈依，為皈依佛，皈依法，皈依僧是也。

佛非泥塑木雕之佛，乃圓陀陀，赤灑灑，法身徧滿太虛，毫光長放五色，無新無舊，不生不滅之自性真佛，在人為心，非人心乃道心也，道家稱為先天元神，居天谷之內，易曰，寂而不動，感而遂通，神之至也。人能時時迴光返照，抱一守中，復我元神，即皈依佛也。

法非邪魔外道呼風喚雨之法，乃經律論三藏所載蘊空妙法，佛祖如來，說法四十九年，以一法開萬法，復以萬法歸一法，畢竟非一非異，非有非無，平等無際，無量無邊，乃至不可說，不可思議，是為自性真法，在人為氣，非後天呼吸之氣，並非水谷火谷之氣，乃先天元始祖氣。顏子問心齋，孔子曰，勿聽以耳，而聽以心，勿聽以心，而聽以氣。氣也者，虛而待物者也，即此氣字，人能的知受氣之原從何立，伏氣之關從何結，復氣之回從何交，時時退藏於密，如雞抱卵，如龍養珠，調息不息之息，即皈依法也。

僧非托鉢飛錫方袍圓頂之僧，乃菩薩度人，隨類顯化之百千萬億化身，時而比丘，時而居士，時而宰官魔王，無非僧者，不著僧相，善財童子五十三參，所遇盡善知識，無非僧者，不著僧相，不生不滅不垢不淨，此之謂自性真僧，在人為精，非後天血氣之濁精，乃先天真一之元精，藏於太玄竅內，老子曰，杳兮冥兮其中有精，是為住息之所，立命之鄉。經云，不得元精漏盡不能成道，人能隨時絕愛斷慾，保此元精，守而無失，及皈依僧也。

皈依三寶，自然得所歸宿，一靈獨存。書曰，德無常師，主善為師，善無常主，協於克一，是真能皈依者。

四曰修持，修持之道多端，而以掃三心，飛四相為無上法門。

三心者，過去心、現在心、未來心也。

無將念，則過去心滅，
無迎念，則未來心滅，
無內外，則現在心滅，
三心既滅，三毒自消。

又

眼為色心，容易動搖；
口為凡心，每多嗜好；
心為血心，易生癡愛。

此之三心，一者未除，即一輪迴，故貴隨時掃除，回光返照。

色心掃，自照見清淨法身；
凡心退，自照見圓滿報身，
血心了，自照見百千億萬化身。

照見三身，便是三佛，

云何三佛，即
過去劫燃燈佛、
當前劫釋迦佛、
未來佛彌勒佛也。

四相者，

人相、我相、眾生相、壽者相是也。

返之一身，則

眼為人相，
鼻為我相，
口為眾生相，
耳為壽者相。

人相未除，
則眼著色塵，內眩其心，一點靈光，從眼竅流出，
墮入卵生地獄中，化為羽禽之屬；

我相未除，
則鼻著香塵，內薰其心，一點靈光 從鼻竅流出，墮
入濕生地獄中，化為鱗介之屬；

眾生相未除，
則口著味塵，內快其心，一點靈光，從舌竅流出，
墮入化生地獄中，化為蚊蠓蟲蛆之屬；

壽者相未除，
則耳著聲塵，內蕩其心，一點靈光，從耳竅流出，
墮入胎生地獄中，化為驢駝象馬之屬。

急宜屏除一切，迴光返照，
苦海無邊，回頭是岸，如是則
眼為南瞻部洲，有觀音菩薩，在此說法度人；
鼻為西牛賀洲，有普賢菩薩，在此說法度人；
口為北拘蘆洲，有地藏菩薩，在此說法度人；
耳為東勝神洲，有文殊菩薩，在此說法度人。

眾等果能背塵合覺，自然八萬四千毫毛孔竅，悉放
光明，現化莊嚴世界，親見諸佛菩薩，在師子寶座
轉大法輪，普照十方，普應十方，三界唯心，萬法
為識，眾生眾生，本來是佛，聞斯妙法，可憬然悟
矣，龍華會逼，有志者共勉旃！

跋

大道不落言詮，原自無法可說，然初基之士，苟非
有所餉遺，亦難以開通心眼，使之信受奉行，曩有
說法數則存行篋中，久欲提要鉤元，引伸其義，權
作講演，公諸同道，今夏訪友來京，此志益切，奈
朋輩枉顧，昕夕接談，卒無暇晷，因口述大意，託
社友劉君聲元，按照原文畧為編次，分發願、守戒、
皈依、脩持四則，顏曰聞法述記，述前賢之遺訓，
定初學之指南，循此以自度度人，庶不迷於畦逕焉
讀斯記者，其各身體力行，無負昔賢說法一片婆心，
則幸甚。

己未歲五月崇正居士賀紹循跋於北京總社

編者按，

此文載於道內典籍《三三歸一》末篇，
賀師賀靜安先生，為道內兩儀之尊，
又名賀紹循，賀時定，號崇正居士，
前清舉人，四川省榮昌縣人，
曾任同善社天錫公號號首。

賀師與雷師雷應霆並稱「雷賀二師」，
在同善社發展早期，代表統道師尊
赴上海、武漢、北京、長沙等重要大城市
戮力開展道務。

再述賀師之言

……凝神窺海穴一語，學者未得真傳，每多誤會，遂着手下關，今將葆真子陽道生雲宮問道篇，凝神入氣穴真詮一節抄附，俾學子不迷於祈禱焉。

復命篇曰，太陽移在月明中；白玉蟾曰，只要凝神入氣穴。此正心氣下交也，謂之驅龍就虎，運汞投鉛，凝非凝聚也，神者至靈至妙，潛天潛地，如何凝聚，自他，所謂凝神者，蓋息念而返神於心耳，神返於心，而不外馳，則氣亦返於身，自漸漸沈入氣穴去矣。

或問氣穴，果有穴乎，此穴正在何處，胡混成曰，在兩腎之中間；葆真子曰，夫人之既生，則元陽真氣，散於四肢百骸之間，為視聽言動之用，豈有區區藏於一穴之理，若真有此一穴，則此一穴，比於五臟，尤為要緊，黃帝醫經、烟羅子、內景圖、華佗內照圖，何故不錄，今人元氣不足者，何不用藥補此一穴耶？此皆旁門小道，妄指身中一處，令人注想於此，以為凝神入氣穴，人或不悟而從之，其終必至於疾，此凝神入氣穴，所以誤人之由也。夫氣穴何也？即華池也，華池何也？即腎也。正陽祖師曰，華池在氣海內，是也，若執定一穴字，必於身中求一穴以當之，則夫謂之池也，必於身中求池，謂之海也，必於身中求海，可乎？要之金丹大道，借腎為發生之地，以其為氣之會，故喻曰海，以其深而在下，故喻為氣穴，以其為金華所生，故曰華池，作丹只要氣沉到此處，故曰凝神入氣穴，非用意注想之謂也，邱長春曰，有所在則有所不在，無所在則無所不在，金丹乃無中生有，今不求其幾於無，而反在有上生枝節，不亦謬耶？

崇正居士賀紹循謹誌



孰為大人百年担負 我有髦士萬古才華

——賀師 賀靜安先生墨寶。

右聯右方小字為「公達先生通鑒」，

左聯左方署名「崇正居士」，

落款一：靜安賀紹循印（白文），

落款二：崇正居士（朱文）。

釋入世出世之義

或者問曰，釋教偏重出世，儒教偏重入世，昔人想修佛，必先出家，今日三教合一，不必出家亦可修佛信乎？余曰然。曰三教既合，是以入世為出世也，財貨無礙，妻子無礙，官職無礙，一切人事俱無礙。今日修道豈非較古昔為容易乎？然何以修者多而成者寡？入世者多而出世者寡歟？曰此非吾所謂入世也，吾所謂入世者，納八德於五倫中，寓六經於日用之內，踐履篤實，一切禮樂射御書數之文，正心修己治人之道，均能得其體而效其用，乃為入世。

若今人之對於世界，直混世耳，直蠹世耳，直賊世耳，安得謂之入世哉！入世尚談不到，矧乃出世之佛法乎？此所以修者多而成者寡也。

曰仍依古法，入山修行可乎？曰道有道運，時有時宜，違道運而背時宜，亦不可也。祇要各人盡其應盡之天職，納道務於人世之中，行不外乎五倫八德，人事亦即修道也，坐功誦經，視為故常，納坐誦於寢饋之中，心不外乎誠敬皓依，修道亦即人事也，如此做去，乃可為入世，乃可謂為以入世為出世，乃可謂為三教合一，否則教雖合，而人心猶分，教其如人何哉？

釋八識

諸君曾見佛寺門口「四大金剛」，每位足踏兩個小鬼乎？此即所謂「八識」也。昔者有人問於趙州法師曰，「釋」說人有「八識」，「儒」說人只有「一心」；一事物之當前也，究係「心知」抑係「識知」乎？若云識知，何必名心？若云心知，何必名識？

且識既有八，何一為心？若皆為心，應有八心，若一為心，餘識無用；請指示之。

趙州曰：識者，天賦之智所變者也，當其無作用之時，不見有識，並且不見有心，一識尚不顯，況八識乎？然一起作用，則八識立即集合，一經集合，而心出焉，乃知心者，眾識集合之名也，如軍隊焉，集則有陣，不集則無陣，不但無所謂陣，且各歸田里，並且無所謂軍。

因識之作用有不同，故有八識之區別，如眼等之前五識，各司其事，不相假借，不能以耳代鼻，以舌代耳，不得不分為五項，至於意識專主分別者也，優劣善惡，憑他分別，所以亦名分別，識既分別矣，自應良善，何以還有含優而就劣？棄善而作惡者，明明有第七私我之識，從中障之也，第七識執為實我，恒審思量，必欲為我，然後準行，於是第六識聽其吩咐，而命令前五識去辦，儒說天理人欲交爭，即六七兩識交爭也，至於第八藏識，不管閒事，所辦者「善」，記筆「善帳」，所辦者「惡」，記筆「惡帳」，留下帳底，異日受報，除此之外，不管其他前五識，當未接六識命令之時，亦即歸藏於第八識，六識之命令一停，即八與前五均無作用，人則入於睡鄉矣，是心者六識命令之代名也，命令一止，即無心，若前五歸於第八，而不入睡鄉，則空空洞洞，正大光明，第八識坐到金鑾殿上，垂裳拱手，不管閒事，所謂「明德」也。趙州之分解如此。

又昔日於侍座之時，師曾問諸同學曰，諸子亦曾知理欲之界乎？凡六塵之色、聲、香、味、觸法之晉接於眼、鼻、舌、身、意者，皆能擾害其心性何也？

皆欲故也，爾心中先有欲根，以待六塵，所以六塵一到，無任歡迎，內外相親，焉能不擾，所以雜念頻頻，憧憧往來，無以降伏，道終不成，推其原因，如空空無人，寶物滿之，終夜開門，盜賊焉能不入乎？孟子說：仁義禮智信根於心。是仁義禮智，在人未生之前而已足，此乃人之主人也，主人常在緊守門戶，盜賊雖起覬覦之心，安敢輕入？由此分界，可知凡由外入者皆「欲」，凡由內發者皆「理」，欲擾識神，理不擾識神，識神聽命於理而不擾，何暇外接其欲以自擾乎？識神不擾，自然安如泰山，穩如磐石，有何雜念叢生？憧憧往來乎？爾等不知於此處下功夫，修至百年，亦無所得，要知於此處下功夫，三丹可成，何難之有？但須行持足以載之，方能受益，若行持有差，折足覆餗（音ム×`，放在鼎裏的食物），其禍更烈，戒之哉！讀上師訓，足見修道之士，成功與否，全靠行持，所謂苟不至德，至道不凝，切不可固執我見，凡事為我，即是不可，藏第七私我之識，以為進修之阻礙也，凡我同仁，切宜注意，願與諸同仁共勉之。

倪師 倪昌英先生

先生姓倪氏，名宣炎，字昌英，福建省福州市人，資稟神縱，仁厚天然，幼攻經史，篤志聖賢之學，嗣肄業格致書院，畢業後服務海關，敬業樂群，惠商潔己，為時所重，先生鑒國勢不振，世風日漓，念非闡揚聖學，恢復我國固有道德，不足以匡濟時艱，挽回劫運，民國初年遊於述古老人之門，深蒙期許，平日博覽群經，匯通三教，故能立身誠正，言忠信，行篤敬，一以弘道濟人為己任。

抗戰期間，先生調職泉州，三十一年壬午攝副稅務

司，旋奉師召入川，先生毅然放棄鉅額養老金，匆匆就道，未幾抗戰勝利，先生來台倡行名教，並轉赴南洋，於星馬各地宣揚聖道，深得當地人士之敬愛，於留滯新加坡時，籌組南洋聖教會，倡導聖誕祀孔，至今每年猶按例舉行，孔學愈益昌明於海外，皆先生之功也。

四十八年己亥，先生與奉化王澂瑩，沁水賈景德諸先生，聯合來台，籌倡中國孔學會於台北，先生被推為名譽理事長，五十三年癸卯四月，先生由星洲赴泰國，轉道來台講學，閱三月門人請益無虛日，先生循循善誘，誨人不倦，禮恭儀淑，氣穆度閒，沐言教者兼沐身教，門人心悅誠服，十年間木鐸周遊，席不暇暖也，於大馬首都成立吉隆坡聖教會，於曼谷成立泰京宏德善堂，復於香港成立博儒闡古法會，使孔學弘揚於南服，此後，先生數度來台講學，不圖庚戌秋間一別，竟成永訣，遽於六十一年四月廿八日，夏曆壬子三月十五日凌晨，駕返道山，享壽八十有一，榮蒙總統題頒「軫懷僑彥」，旌厥豐功，同人等以先生終身衛道，表率羣倫，品如玉潤，懷若春溫，緬思風範，感愴曷極，先生之嘉言懿行，永垂典式，片褚隻字，受業弟子無不寶之，珍若拱壁。

編者按，此文恭錄自《泰京宏德善堂卅週年特刊》一書。

十七日課

師謂醉霞曰，三代而下，何以竟不如三代以下也？

對曰，由於心法失傳，聖學不明之故，夫子何妨盡言之，以啟萬世心傳乎！

慨自聖神之心法無傳，而心性之道理以晦，視天人為兩途，以聖凡為二，致使誠意正心之學，空載於書，千萬世視為具文，即間有一二欲紹其傳者，無從下手，視聖學如登天，末由入門；視心傳如步月，歲時愈遙，而斯道愈晦。不惟愚者甘於愚，即智者亦望洋而思返矣！無惑乎問津無人，天下日趨而日下也，縱或天心仁愛，有二三秉賦甚優者出而發明之，講究之，以身示法，即已授人，以續往聖之心學，其心性之說，非不彰明於一時，而心性之功，終未了徹於千古。雖一時文章燦然，儼若春風化雨，親受其旨者，或得強制其人心為一時名士，久之即其所履之影，以為切身之學，匪特不能如先儒，且致汨其靈明，以掩本來面目，於是後儒之學問，視孔孟之心傳，不異天外之天，海表之海，愈歧而愈遠矣！則先儒之整頓於一時者，何殊隔斯民於三千里外乎？

彼其所言天命之性，與氣質之性，未嘗不判若天淵；仁慈之心，與嗜慾之心，未始不分逕庭，及其下手入門時，卻又涇渭無分，眉目不晰，所言雖是，所行則非，流傳至今，不能滅其說，究無一人即其說而得其真，豈非以知覺之心而求天命之性之咎歟？某今者，擇其可從之說，去其含糊之詞，就先後天而判其是非，亦即先後天以定其行止，夫天命之性，

先天之性也；仁慈之心，先天之心也，以空洞仁慈之心，養虛明天命之性，打成一團，合為一氣，使此天命之性，盡化為乾元之金；仁慈之心，盡融於坤元之土，以土生金，以金藏土，金與土聯為子母，即心與性相為體用也。心無時不聽命於性，性無刻不主宰於心，是心與性雖有二義，卻性與心實無二途。至於氣質之性，知覺之心，是為後天，不必克制，自默化於天性之中，道心之內矣！此係誠意正心之實功，並非滅意制心之偽學，非然者，欲以知覺之心，求復天命之性，不惟性不能復，反因此知覺而化為氣質之性矣！縱天資優者，久亦漸進於純粹，終嫌其瑕瑜互見，而欠精良，以智者猶難臻夫至善，愚者又將奈何哉！

某所以從其已當之說，而去其含混之傳也，今者敦倫諸子，得往聖不傳之祕，開來世無窮之功，撇去一切荊榛，直探三代心法，於至濁中取其至精，至昏中取其至明，至雜中取其至粹。不因其有混其無，不以後天亂先天。有心無心，勿忘勿助，取其素藏於污泥之中者，種之霄漢之上，頓出紅塵，頃化清虛，雖有六欲七情，毫無沾滯。養此三元一氣，獨見清真，久之形上形下，道與器鎔為一爐，無始無終，今與古合為一物矣！

天然仁慈，從中而出，莫測機關，由內而生，於是即我已誠已正之心意，由此達彼，如竹之引泉，不疾不徐，涓涓自至；如煤之引火，若有若無，隱隱自生，當無事時，淵渟岳峙，並無異於人，事至物來，則如甘雨和風，即景生情，因心作則，縱橫應用而無窮，古云其靜也如城，其動也如水，神妙有如是者，諸子果從此用功，養爾本原，一切萬紫千

紅，置之勿論，只求我三華五氣，化盡無餘，將見一線天衢，垣垣如通都大道，豈猶有荊棘叢生，不由爾車馬往來哉！吾知學問至此，天人無分，聖凡莫別，性天不求復而自復，人心不求去而自去，天根朗朗，月窟昭昭，將任爾諸子採取，無纖毫阻窒矣！運用如意，樂莫大焉，流行自在，必不遺枉費推移之恨已，諸子加勉，實有厚望！

十九日課

師曰：諸子已知天地，曾知天地之所以生物否？

醉霞對曰：渾渾噩噩以為之本，蓄之者深，故發之者皇也，所以生物固如此。

而其能生物又何如？天地所以能生物者，以其有藹藹之仁慈，故無時不生物，亦無地不生物也，此言所以生物之原，並非能生物之處也，諸子有知否？

悟空進曰：元氣充周，精力瀰滿，此其所以能生物乎？天生物乎？地生物乎？

醉霞曰：天地生物，無非氣機流動而已，未知是否？

其庶幾矣，某為諸子言天地所以能生物處，靜聽勿忽，天本浮也，而不與之俱浮者其命乎！地本凝也，而不與之俱凝者其性乎！自天為物不貳觀之，其命即其性，自地載物無疆論之，其性即其命，是天地同為一性命，又各成其性命也，惟其各成性命，復共成性命，性與命交，命與性融，陰受陽施，上交下接，遂結成真金，以為萬物之本，散為甘露，以成兩間之形。

設天有至健之行，地無順受之德，雖天心仁愛，欲

生物而不能，地有厚重之形，天無流行之氣，雖地德廣厚，欲成物而不得。則天之所以能生物，賴坤德之順受，地之所以能成物，賴乾道之健行，此乾坤為六子之宗者，正所以為萬物之原也，故易曰：天地不交，而萬物不生。雖然交之之道，務須十分清晰，不得一毫含糊也，試思不已之於穆，非其靜也專之理乎！於穆之不已，非其動也直之氣乎！動而直者天之命，靜而專者天之性，自於穆不已合思之，此正乾元之金，貫夫天之動靜，而自成為性命者也。

觀其靜之翕，非地之性乎？察其動之闢，非地之命乎？是其無疆之博德，即坤自為性處也，德博之無疆，又坤自為命處也。坤有坤之動靜，與乾之動靜，各德其德，即各行其行。然乾以其性命，化為一元真金，流行人間而不已。坤以其性命，結為一片真土，凝結載物而無窮。於是天以其性命之真，遂藏於坤土動靜之際，是坤能成茲有形者，全賴乾金為之主，而乾能運用有形者，又賴坤土為之凝也。

二氣化為一氣，一理散為萬里，是二是一，即氣即形，往來不窮，所以謂之通也。由此觀之，萬物之主宰由於天，萬物之運用由乎地。其所以有此主宰運用者，又全仗乾坤之閤闢，相摩相盪，以成此不測之神形也，可知天地既位，而萬物自育於中，萬物既育，而天地未有不位乎上下也，今生等功到自然其中如如不可擬議者，非靜耶？從此善養綿綿不息處，非動耶？以其如如謂之靜，綿綿謂之動，非即於穆不已之旨乎？非即德博無疆之義乎？而其所以浮於上者，則有仁愛之天，所以凝於下者，則有方寸之地。仁慈之天，即彼蒼生物之原，方寸之地，即坤厚載物之處。從此天交乎地，地接乎天，二氣薰蒸，妙於鼓盪，則上天生物成物之本，大地成物

生物之妙，不覺自我操之，且不覺自我運行之矣。調其息，存其神，正其心，養其性，操縱自如，舉止由天，卷之退藏於密者，放之自彌六合也。

子思子曰：「君子之道，造端夫婦。」其中神妙，大有不可以言而盡者。生等從學有年，當之何處為天，何處為地，何義是乾，何義是坤，何以為動中之靜，靜中之動，又何以貫夫動靜，移乾道以就坤道，即坤道以體乾道，而天乃不為上浮泥其用，地乃不為下凝窒其德，庶幾學問深醇，上可宰夫天，下可宰夫地，中可使天地相交，由否轉泰，以為四海生生之本，以妙千古化化之用也。不然，雖有天德以作其基，而無神功以妙其用，縱山為九仞，尚

虧一簣，如塔造七層，猶缺一頂，終為廢物，不可以壯天下之大觀，亦不可以補古今之遺恨也，戒之！勉之！務全始全終，出為朝廷之良弼，處為鄉黨之完人也可。諸子其中妙用，乃天地之機，乾坤之蒂，天地有此基此蒂，所以流行不已運用無窮，聖人即此用功，以臻神化，所以從心所欲不踰矩也。子等之功，雖頗深醇，而位乎天者未必位乎地，而天地俱位者，未必能上下交，使乾坤顛倒，化為地天泰，以妙生生之用也。願爾諸子，終日乾乾，以象天道，晝夜淵淵，以象坤體，庶不泥於乾之動，亦不滯於坤之靜也，如是如是，某深望焉。

此文恭錄自道內典籍《心傳韻語》卷上

朱晦庵夫子八德詩——須知大道不難求 只在倫常日日修 堪嘆世人真憤憤 四思深重未曾酬

孝字詩

人生百事孝為先 底事時人失性天
罔極深恩同兩大 免懷盛德定三年
像楊葵藿將根庇 反哺烏鴉見母憐
物類尚然知報本 云何逆子昧心田

弟字詩

弟到無虧鄉黨稱 尊卑長幼要分明
雁行先後原無紊 鷺序參差最有情
立敬由來防外辱 敦倫總要學徐行
須知長長關王化 天下雍熙樂太平

忠字詩

千秋最重是忠貞 古大賢儒日省身
奸詐欺主人共憤 精誠報國世同珍
丹心皎皎非求祿 大節錚錚效逆鱗
須識委身無二志 明良共慶一堂春

信字詩

信乃人生一大防 世人何故昧天良
片言鄭重須當踐 舊約平生不可忘
要識陳雷聯意氣 須知管鮑訂心腸
果能誠實真無妄 宇宙綱常賴以匡

禮字詩

姬公制禮本無偏 品節詳明德性堅
日用細微勤檢點 往來酬酌善周旋
威儀抑抑宜矜式 文質彬彬學聖賢
謹守範圍無錯忒 須遵三百與三千

義字詩

浩然正氣塞乾坤 大義昭垂萬古尊
凡事合宜須踐履 與心違悖匪思存
千金持贈非求報 一飯難忘為感恩
朋友君臣相契合 能誰效法繼桃園

廉字詩

廉隅要顧莫貪嗔 得失何須太認真
一介雖微權道義 三公不易守清貧
心腸坦白堪為友 財帛分明始見人
可笑世間饕餮輩 營營殉利竟忘身

恥字詩

恥之於人大矣哉 忸怩可討載詩篇
何因摘短知顏汗 應愧逢人強脅肩
果是天良真發露 自然慚怍見當前
勸君莫作貽羞事 午夜焚香好告天

敬求文章 歡迎投稿

本刊秉持善與人同之意，敬求文章，歡迎投稿。

凡有關於各位先生們身邊同善社的照片、故事，或是個人多年修行心得、養生秘訣、生活經驗、親身經歷、八德善事、節婦懿行暨一切救濟人命物命各項慈善事業有益於世道人心者…點點滴滴均樂徵求。

稿件形式、字數不拘，來信請以紙本文稿或是電子檔的方式，歡迎大家踴躍投稿分享，共同耕耘這一片屬於你我修真情懷的大塊天地。

■稿件來信：

請詳細註明投稿人的真實姓名（可附上道內儒名或個人筆名）、地址、聯絡電話、email。

■來信請寄：

- 1.紙本稿件：請寄到 新北市中和區圓通路84號2樓 大中華同善社編輯部收
- 2.電子檔請email至：service@tongshanshe.com
- 3.本社編輯部保有稿件內容字句酌修之權利。

■交換：

凡各處慈善機關有願互換刊物以廣善見者均表歡迎。

■推廣：

本刊免費贈閱，為務其普及，凡國內各縣市鄉鎮單位或機關團體有願索取閱讀者，請逕與本社登記所需份數與寄達資料，以利本社作業。

齋天祈福 升層闡準



最新宣講課程 歡迎參加聆聽

時間	課程內容	宣講先生
每週三 晚上7:30 ~ 9:30	◎儒釋道經典	正筊
每週五 晚上7:30 ~ 9:30	◎顯密課程	正筊
每週六 下午1:30~5:30	◎科儀解說及實習	正筊
每週日：早上10:00 ~ 12:00 每週日：下午1:00 ~ 5:00	◎修法 ◎共修與儀軌講解	正筊



三期普度 貴以了道
守平淡之家風 按平常之情理
不妄謀天機 不輕言劫運 韜光養晦 默待天心
誠摯歡迎志同道合 有心學道之士來社稟闢入道
參研聖賢實學 共修性命工程
同赴龍華勝會

大中華同善社
新北市中和區圓通路84號2樓 · 02-2245-2485
tongshanshe.com

特別感謝崇豐印刷公司贊助印刷。
本刊免費贈閱歡迎助印 · 國內郵資已付 · 中和郵局第201號印刷品。
郵差先生辛苦您了！若查無此人或通訊資料異動、複寄送，敬請惠予告知，謝謝您！